

# فيديو #٤٣ من مقاطع حظر التجول | تدبر سورة هود #٦ آيات ٨١-

٢٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم اربعة وتلاتين من مقاطع حظر التجول والمقطع رقم ستة من آ تدبر سورة هود آ اهلا وسهلا بحضراتكم واهلا بالمتدبرين - [00:00:00](#)

اه لعلمكم الجلسة بتاعتنا دي سمعت واه قناة الجزيرة مباشر بعد اه ساعتين من دلوقتي هتعمل معي انترفيو مخصوص عن التدبر بسبب الجلسة بتاعتنا اليومية دي بارك الله فيكم. ان شاء الله ربنا يجعلكم سبب في نشر هذا الخير ونشر ثقافة التدبر ونشر عبادة التدبر. آ مرة اخرى - [00:00:21](#)

آ بتفكرني باجابة سؤال امبارح شكرا يا اخت شيماء آ هنبدا النهاردة ان شاء الله بان احنا نجيب على السؤال اللي طرحناه امبارح وبعدين هنكمل في سورة هود احنا امبارح سألنا سؤال وقلنا هل الايمان بيطلب ويكتسب؟ ام هو نعمة ومنحة من الله - [00:00:45](#)

وقلت لكم ان الاجابة موجودة في اية من الايات افتح سورة الحجرات. الاية رقم سبعة. سورة الحجرات اللي قبل قاف اللي هي الاية السورة رقم تسعة واربعين افتح سورة الحجرات الاية رقم سبعة - [00:01:07](#)

اعوذ بالله السميع العليم من الشيطان الرجيم واعلموا ان فيكم رسول الله لو يطيعكم في كثير من الامر لعنتم ولكن ان الله حبب اليكم الايمان وزينه في قلوبكم وكره اليكم الكفر - [00:01:25](#)

الفسوق والعصيان اولئك هم الراشدون يبقى الله ايه حبب اليكم الايمان وزينه في قلوبكم. ومش بس كده وكره اليكم الكفر والفسوق والعصيان. اذا الموضوع كله انه انه منحة من الله. هي نعمة من الله - [00:01:45](#)

ايوة ولكن ده لمين اولئك هم الراشدون العقلاء الذين يطلبون الايمان اللي عارفين قيمة الايمان. هات الاية مية في سورة يونس. ارجع بقى ثاني هات لي صورة يونس صور رقم عشرة - [00:02:08](#)

اللي احنا لسه مخلصينها من اسبوع الاية رقم مية وما كان لنفس ان تؤمن الا باذن الله ويجعل الرجس على الذين لا يعقلون اذا الذين لا يعقلون اللي هم عكس الراشدون ليس لهم الا الرجس الكفر - [00:02:28](#)

لانهم لا يطلبون الايمان. بالتالي لن ينالوه ارجع كمان هات الانعام تلاتة وخمسين يلا قلب وارجع هات لي الانعام. تلاتة وخمسين. الانعام. الصورة ستة تلاتة وخمسين. اية تلاتة وخمسين في الانعام. وكذلك فتنا بعضهم ببعض - [00:02:52](#)

ليقولوا اهؤلاء من الله عليهم من بيننا؟ اليس الله باعلم بالشاكرين يعني الكفار هيبصوا على المؤمنين يقول لك هم دول هم دول اللي ربنا آ من عليهم بالايمان القرآن بيحيب ويقول اليس الله باعلم بالشاكرين؟ الانسان العاقل الراشد اللي بيشكر نعمة العقل - [00:03:14](#)

ويطلب الايمان يمن الله عليه بالايمان اذا الايمان يطلب ويكتسب فيعطيه الله منحة منه لمن طلبه واكتسبه خلاص نبدا بقى النهاردة من سورة هود كود تمتناشر يلا هات بقى صورة هود الاية تمتناشر هنبدا منها النهاردة هناخد النهاردة اربع او خمس ايات - [00:03:42](#)

اعوذ بالله من الشيطان الرجيم ومن اظلم ممن افترى على الله كذبا اولئك يعرضون على ربهم. ويقول الاشهاد هؤلاء الذين كذبوا على ربهم الا لعنة الله على الظالمين. القرآن دلوقتي بينقلنا لمشهد محاكمة الكافرين المكذبين في الآخرة - [00:04:17](#)

الكافرين الذين كذبوا القرآن والذين كذبوا الانبياء مشهد المحاكمة بتاعهم في الآخرة. ومن اظلموا شف وصف الكفار بالظالمين مش

بس بالظالم انه ما فيش حد اظلم منهم اصلا ومع ذلك سيعاملون بالعدل - 00:04:46

ولن يظلمهم الله ودي مش اخبار حلوة علشانها. لان معاملتهم بالعدل هتوديهم في داهية الانسان محتاج من ربه الرحمة والمغفرة والعفو. مش العدل لذك من المشهور ان اسم الله من اسماء الله الحسنى العدل. وده الحقيقة ضعيف مش آآ مش الاسم مش آآ لم يرد في نص - 00:05:07

صحيح ان اسمه العدل اه ومن اظلم ممن افترى على الله كذبا افتروا على ربنا بتكذيبهم الانبياء وادعائهم ان الانبياء على ربنا علشان نادوا بالتوحيد. بينما هم المفترين الحقيقيين اللي جعله لله سبحانه وتعالى شركاء سواء اصنام عبودها او اصنام اخرى زي الحكام الطواغيت اللي عبودهم - 00:05:30

اللي قبلوا تشريعاتهم الارضية بدلا من شرع الله او عبدوا المال والمال صنم. السلطة صنم. الشهوات صنم دي كلها اصنام. الناس بتعملها يحصل لهم ايه بقى؟ اولئك يعرضون على ربهم ويقولوا الاشهاد هؤلاء الذين كذبوا على ربهم - 00:06:03  
مشهد اولئك يعرضون على ربهم عندهم عرض وهيتعرضوا في مشهد مزلل هيتعرضوا على ربهم. يحاكمهم بنفسه ما هو من اسماء الله الحسنى الحكم الحكم يعني القاضي باللغة المعاصرة بتاعتنا قربنا هو القاضي يوم القيامة. بس اسمه الحكم ما اسموش القاضي. اسمه الحكم. ويقولوا الاشهاد هؤلاء الذين كذبوا على - 00:06:28

اقفوا وكل الشهود هتشهد عليهم الاشهاد انواع من الشهود مختلفة بقى. ملايكة هتشهد ضدهم. ما هم اللي حملوا الرسالة وكتبوا الحسنات وكتبوا السيئات فهم شهود عليهم ومعهم السجلات بقى. اركايفز كله متسجل صوت وصورة. ومين تاني هيشهد والانبياء هتشهد عليهم؟ كل قوم هيجي لهم - 00:07:00

النبي بتاعهم يقف قصادهم ثم يقضى بينهم ارجع هات يونس سبعة واربعين سورة يونس سبعة واربعين الصورة اللي قبل اوتو سبعة واربعين لقيت ولكل امة رسول فاذا جاء رسولهم قضي بينهم. ده يوم القيامة لما ييجي الرسول بتاعهم هيقضى بينهم. الامم هتترس وكل ما الرسول ييجي - 00:07:26

ينادى على الامة بتاعته ويقضى بينهم هيشهد عليهم الرسول بتاعهم. انا بلغتكم. مين كمان شهود؟ المؤمنين. شهود. والشهداء شهود. يعني ايه شهداء بيقول لك اللي بيموت آآ المبطلون شهيد واللي يموت غرقان شهيد - 00:07:51

واللي يموت في سبيل الله ده اعلى درجة من درجات الشهادة اسمها شهيد الدنيا والاخرة يعني ايه شهداء يعني ييجي يوم القيامة مطمئن هو داخل شاهد يعني المحكمة بيدخلها القضاة بيدخلها المحامين بيدخلها الشهود بيدخلها المتهمين. المتهمين بس هم اللي بيخشوا المحكمة خايفين - 00:08:10

انما الشهود داخلين يشهدوا وخارجين حاسس ان هو آآ مطمئن. فالشهداء دول بيقوا مطمئنين يوم القيامة فمين بقى من النبي ادمين هيشهدوا المؤمنين هيشهدوا. الشهداء اللي ماتوا في سبيل الله هيشهدوا - 00:08:32

دول في اي بيز والمظلومين هيشهدوا. السيدة سمية ام عمار ابن ياسر. هتشهد على ابو جهل اللي قتلها بالحربة في اكر مكان حساس في جسمها في موطن عفتيا. المجرم ده - 00:08:49

كل مظلوم هيجي يشهد على الكلب اللي قتله او خانه او عزبه على مر التاريخ دول كلهم شهداء. دول كلهم هيجوا يشهدوا مين كمان هيشها مين كمان هيشهاد سورة ياسين - 00:09:04

ربنا بيقول فيها اليوم نختم على افواههم وتكلمنا ايديهم وتشهد ارجلهم بما كانوا يكسبون. اعضاء جسم الانسان هتشهد. من ضمن الاشهاد الرجلين اللي انت اديتها امر تمشي بك نحو المكان الوحش هتشهد ان انت اجبرتها تمشي بك نحو المكان دوت - 00:09:19

ايديك اللي عملت حاجات حرام هتشهد وفي صورة فصلت ويوم يحشر ويوم يحشر اعداء الله الى النار فهم يوزعون حتى اذا ما جاءوها شهد عليهم سمعهم. وابصارهم وجلودهم ما كانوا يعملون - 00:09:44

وقالوا لجلودهم لم شهدتم علينا؟ قالوا انطقنا الله الذي انطق كل شيه هيلوموا الشهود بتاعتهم في ناس بقى بتستبعد اوي ان الجلود تشهد. الجلود هتتكلم ازاى يعني؟ اذا كانت جلود بتشهد في الدنيا - 00:10:13

ونص الناس اللي مرمية في السجون دخلت السجون عشان الجلود بتاعتها شهدت عليهم في الدنيا. ايه الغريب هو البصمات عبارة عن ايه هي البصمات دي مش على الجلد بتاعك واللي هينكر بقى يوم القيامة انه عمل كزا او كزا بصماتك مرفوعة. وجلدك هيشهد عليك وانت كمان راجع ببصماتك في الاخرة - [00:10:29](#)

زي ما كنت في الدنيا في سورة القيامة ربنا بيقول ابحسب الانسان ان لن نجمع عظامه؟ بلى قادرين على ان نسوي البنان اللي هو عقلة الصباع هترجع زي ما هي. بالبصمة اللي عليها. انكر بقى انك مسكت ده ولا شربت ده - [00:10:52](#)

البصمات مرفوعة شئ مرعب ها؟ شئ مرعب الحقيقة ان الانسان يعرض امام الله ثم يشهد عليه الملائكة والانبياء والناس وحتى اعضاء جسمه وبصماته هيقولوا ايه بقى هيقولوا ايه؟ ارجع للاية تمتاشر - [00:11:12](#)

ويقول الاشهاد هؤلاء الذين كذبوا على ربهم كله هيشهد ضد المجرمين وضد المكذبين وضد الكفار هيشهدوا ضدهم ويدينوهم هؤلاء الذين كذبوا على ربهم. افتروا على الله الحكم الا لعنة الله على الظالمين - [00:11:34](#)

ده الحكم طرد من رحمة الله الا لعنة الله على الظالمين الذين يصدون عن سبيل الله ويبغونها عوجا. وهم بالاخرة هم كافرون اللهم لا تجعلنا منهم يا ربي واجعلنا من المؤمنين آآ بالاخرة وبك وبالقرآن وبالنبى صلى الله عليه وسلم. اللي انا باعمله - [00:11:58](#)

ده اسمه ايه؟ اسمه التدبر القلبي. وده سهل جدا جدا ويؤثر في الايمانيات جدا. ولا يحتاج لاعمال العقل زي التدبر العقلي اللي احنا عمالين نعمله بقى لنا ستة وتلاتين يوم - [00:12:23](#)

اسمه التدبر القلبي. مش هيفهم كلامي ده الا اللي اتفرج على دورة مفاتيح التدبر اتفرجت على دورة مفاتيح التدبر هتفهم الفرق بين التدبر القلبي والتدبر العقلي. خلاص؟ التدبر القلبي باختصار انك ممكن تقلب كل اية قدامك الى ايه - [00:12:38](#)

يا دعاء ودي كانت سنة النبي صلى الله عليه وسلم. بس انا لا يحضرني الحديث الان لكن احد الصحابة بيقول انه صلى مع النبي صلى الله عليه وسلم فكان اذا مر - [00:12:54](#)

باية تذكر النار استعاذ منها تذكر الجنة طلبها تذكر فئة من الفئات الناس الكويسين مسلا الصالحين المتقين يعني يسأل الله انه يكون منهم. واذا مر بارضه برضه اية تذكر فئة من الفئات - [00:13:08](#)

السيئة زي المنافقين الكافرين المكذبين الكلام ده كله يسأل يستعيز بالله من ان يكون منهم. ده اسمه التدبر القلبي وده مؤثر جدا طيب والدليل على ان في حاجة اسمها تدبر القلبي وخلي بالك من حاجة ما هو احلى حاجة في الدين بتاعنا ده انك ما تسببش حد يلعب بدماغك - [00:13:28](#)

اي حد عايز يتكلم فيكم عنده دليل. ايه الدليل ان فيه حاجة اسمها تدبر بالقلب؟ افلا يتدبرون القرآن ام على قلوب اقفال القلوب مقفولة؟ اذا هناك تدبر بالقلب القلوب تفتح فيتدبر القرآن تدبر قلبي نوع من التدبر غير التدبر العقلي اللي احنا برضو بنعمله -

[00:13:47](#)

ايضا اه اه والذين اذا ذكروا بايات ربهم شف سورة الفرقان فيه مجموعة ايات في الاخر حوالي اظن عشر ايات بتذكر صفات آآ طائفة اسمهم عباد الرحمن من اروع ما يمكن - [00:14:10](#)

من ضمن صفات عباد الرحمن ايه اللي هي وعباد الرحمن الذين يمشون على الارض ها هنا واذا خاطبهم الجاهلون قالوا سلاما من ضمن صفاتهم ايه؟ والذين اذا ذكروا بايات ربهم لم يخروا عليها صما وعمينا. اللي بيتفاعلوا مع الايات - [00:14:28](#)

يتفاعل مع الايات. تسمع الاية تتفاعل معها بقلبك. طيب نرجع لتدبر العقل الحكم صادر عليهم ايه؟ الا لعنة الله على الظالمين. حكم عليهم باللعن. يعني الطرد من رحمة ربنا الاية ستاشر ارجع للاية ستاشر سورة هود - [00:14:47](#)

الاي ستاشر اولئك الذين ليس لهم في الاخرة الا النار فده حكم برضه اللي هو هم حكم عليهم باللعن من من اللعن يعني الطرد من رحمة ربنا وهيدخلوا النار. لكن اللافت للنظر ان الحكم صيغته - [00:15:04](#)

انه بيقال الحياة الدنيا يعني هذا الحكم صدر من زمان والناس كلها عارفاه انه هيصدر على ناس وفيه ناس بالرغم بالرغم من ذلك بسبب غبائهم ووقعوا تحت طائلة هذا الحكم. اسمع كده وامش بعينك معي في الاية تمتاشر والاية تستعاشر. امشي معي بعينك في

الاية تمتناشر وتسعتاشر في سورة هود - 00:15:22

الا لعنة الله على الظالمين الذين يصدون عن سبيل الله. مش الذين صدوا عن سبيل الله هم لسة بيصدوا عن سبيل الله في الاخرة؟ لأ هم صدوا خلاص في الدنيا. بس وكأن منطوق الحكم ده اتقال من قبل كده في الدنيا - 00:15:47  
ده بيتكلم دلوقتي في الدنيا الا لعنة الله على الظالمين الذين يصدون عن سبيل الله ويبغونها عوجا برضه في الدنيا. ده بيتكلم دلوقتي هم دلوقتي يبغونها عوجا. وهم بالاخرة هم كافرون. فالحكم في الاخرة مش جديد ومش مفاجئ وهو ده العدل الالهي بقى -

00:16:08

اللي هيتعاملوا به الكفار. الكفار هم ظالمين هيتعاملوا بالعدل. وده عقابهم ان ما كان يتم تحذيرهم منه في الدنيا وانذارهم به في الدنيا. هو ما سيحدث لهم في الاخرة. مش النبي عليه الصلاة والسلام موصوف في - 00:16:31  
اتنين من سورة هود انني لكم منه نذير وبشير نذير يعني بيوصل الانذارات بيطلع الانذارات انذارات ربنا فيهم الانذار. الانذار اللي سمعوه في الدنيا ايه؟ هو الحكم عليهم في الاخرة بانه الا لعنة الله على الظالمين الذين يصدون عن سبيل الله - 00:16:49  
ويبغونها عوجا وهم بالاخرة هم كافرون طيب ليه اتلعنوا وانطردوا من رحمة ربنا الاية تسعتاشر عشان كانوا بيصدوا عن سبيل الله. كل عمل خير بيعرقلوه. دروس في الدين يوقفوها. تشريعات اسلامية يعرقلوها - 00:17:09  
حجاب يمنعوه يعني مش معقول يا عمي يعني لازم يكونوا يمنعهو لكن يجعلوه عقبة قصاص مستقبل المحجبة. هذا ايضا صد عن سبيل الله ومش بس صد عن سبيل الله. لأ ده كمان يبغونها عوجا. يعني لا يريد الاستقامة. ربنا بيأمر في سورة يونس مية وخمسة. هات يونس مية وخمسة ارجع صفحتين - 00:17:27

وان اقم وجهك للدين حنيفا. شف بقى وان اقم وجهك. اطلع قدام في سورة هود الاية مية واتناشر. معلى هات صورة هود الاية مية واتناشر فاستقم كما امرت فاستقم كما ربنا يأمر بالاستقامة لكن هم عايزين الدنيا معوجة. يبغونها عوجا. عايزين حفلات ورقص وخمرة ودعارة - 00:17:49

الحق واضح جدا. والباطل واضح جدا. الحق ابلج والباطل لجلج ايه اللي جراهم على الحرام ده؟ هم اتجرأوا ليه؟ الاية تسعتاشر بتقول لك. وهم بالاخرة هم كافرون. ما كانوا مؤمنين بالاخرة - 00:18:16  
كانوا مسلمين حتى لو مسلم قال النبي صلى الله عليه وسلم لا يزنني الزاني حين يزنني وهو مؤمن ولا يسرق السارق حين يسرق وهو مؤمن. الايمان بينتقد يا جماعة بينتقد زي ما بيقول ما بينتقد. ويجدد - 00:18:33  
فالناس دي حتى لو كان اسمه عبدالفتاح عبدالله مصطفى ايا كان هو ما كانش مؤمن فعلا بالاخرة فكان بيتجرأ على الله ويتجرأ على على على على انه يتحدى ربنا. طيب - 00:18:47

كمل بقى الاية عشرين اولئك لم يكونوا معجزين في الارض. وما كان لهم من دون الله من اولياء يضاعف لهم العذاب ما كانوا يستطيعون السمع وما كانوا يبصرون اولئك لم يكونوا معجزين في الارض. هم ما عملوش معاصيهم وفجرهم ده لان ربنا ما كانش قادر عليهم. لأ ربنا تركهم يعملوا كده - 00:19:05

لم يعجزوا الله. كان يستطيعوا ان يمنعوا طب ليه ما منعهمش؟ عشان هو ده النظام بتاع الدنيا وما كان لهم من دون الله من اولياء. ما احنا قلنا نزام الدنيا - 00:19:29

ان الانسان من حقه ان الانسان عنده حرية الاختيار بين الحق والباطل والخير والشر. فربنا تركهم يكفروا ويعصوا لان ده الباكيدج بتاع الحرية انت عايز تبقى حريتي ربنا مش هيصحكك غصب عنك. خلاص هو ذلك وادى لك ملايكة وقال لك الملايكة بتدلك على الخير ونزل لك كتب ونزل لك - 00:19:39

كده كويس اوي وما كان لهم من دون الله من اولياء ما كانش عندهم حد بيحيمهم من ربنا يضاعف لهم العذاب. ليه ليضاعف له من عند لما ياخدوا العذاب بتاعهم وخلاص لأ. ما هو دول اللي ما اتعزبوش في الدنيا - 00:19:59  
اللي ما نزلش ما هو فيه اقوام جه عذاب ربنا شالهم انما اللي لم ينالهم عذاب في الدنيا هم معزم الناس معزم الكفار فيضاعف لهم

العذاب في الآخرة. هيتعذبوا عذاب الدنيا وعذاب الآخرة. دبي. [00:20:21](#) - عذاب

وما كانوا ما كانوا يستطيعون السمع وما كانوا يبصرون أولئك اقرا معي الآية واحد وعشرين أولئك الذين خسروا انفسهم وضل عنهم ما كانوا يفترون. كان بيتقال لهم الحقيقة وبيشوفوا الادلة - [00:20:38](#)

على ان على ان الطريق اللي ماشيين فيه ده طريق غلط لكن ما كانوا بيستمعوا ولا بيشفوا الحق ما كانوا يستطيعون السمع وما كانوا يبصرون ليه؟ لانهم خسروا انفسهم. أولئك الذين خسروا انفسهم. اوحش حاجة الانسان يخسر نفسه. يصبح عبد للالهة اللي -

[00:20:53](#)

هو اتخذها في ناس بتتاخد الهة ويوروههم بقى اللي هم شايفينه. سواء الآلية دي اديان محرقة او حكام طواغيت او سرودة او مال

بيعبد او او او الانسان لما يعبد المال تصبح القيم عنده مختلة - [00:21:16](#)

معك فلوس تسوى ونسمع لك ونصدقك ما عكش ما تلزمناش. الانسان لما يعبد الحكام الطواغيت تصبح القيم عنده مختلة. انت قوي

ومعك قوة مسلحة تسوى ونسمع لك ونصدقك ما عكشي ما تلزمناش - [00:21:34](#)

عايزين تشوفوا في سورة هود المعايير اللي هي الاستاندرد البايضة بتاعتهم. هاتوا الآية سبعة وعشرين هات لي الآية سبعة وعشرين

شوفوا اتقال ايه لسيدنا نوح مية سبعة وعشرين ما نراك الا بشرا مثلنا. وما نراك اتبعك الا الذين هم اراذلنا - [00:21:53](#)

انت مبشر عادي وضعيف. ومعك شوية ضعفاء شفت اختلال القيم شفت الاستاندرز باعتبار بايضة ازاى بدل ما يناقشوا الكلام اللي

بيقوله ويناقشوه صح ولا غلط؟ لأ معيار الصح والغلط عندهم هو - [00:22:18](#)

قوة عشان هو ضعيف وما عهوش عزوة وما عهوش رجالة وما عهوش قوة وما عهوش سلاح مش هيسمعوا كلامهم. مش مهم الكلام

صح ولا غلط تحب تشوف مثال ثاني على اختلال المعايير صورة هود هات الآية اتنين وستين - [00:22:32](#)

الآية اتنين وستين في سورة هود. اطلع قدام شوية اتنين وستين. قالوا يا صالح بيكلوا سيدنا صالح. قالوا يا صالح قد كنت فينا قبل

هذا اتنهانا ان نعبد ما يعبد اباؤنا - [00:22:47](#)

المعيار الصح المعيار بتاع الصح والغلط عندهم هو تراث الاجداد انا ابويا وجدي عمرهم ما يبقوا غلط الدليل على الصح ان ابويا

وجدي كانوا بيعملوه. الدليل على الغلط ان ابويا وجدي ما كانوا بيعملوه - [00:23:03](#)

ده اختلال المعايير بيقيسوا قياسات غلط نرجع بقى ثاني للآية آ واحد وعشرين عشان اتعبتكم النهاردة ارجع للآية واحد وعشرين

سورة هود أولئك الذين خسروا انفسهم وضل عنهم ما كانوا يفترون. دول خسروا انفسهم ولانهم قبلوا الذل والاستعباد - [00:23:16](#)

يعني قبل ان هم يبقوا عبيد يا اما لا اديان مفبركة او لحكام طواغيت او للشهوات او للثروة او للمال زي ما قلنا قبل كده. وضل عنهم

ما كانوا يفترون. يعني ايه بقى - [00:23:41](#)

ما فيش الهة من الآلهة اللي هم اخترعوها دي هتيجي يوم القيامة وتعمل فيها ايه؟ رجالة وتقول يا رب ما تعاقبهمش. عاقبني انا

بدالهم. لا لا لا خالص. هم مش هيزهروا اصلا - [00:23:54](#)

وضل عنهم ما كانوا يفترون. يعني اللي هم اخترعوه ده واصبح الهة بالنسبة لهم ضل عنهم. ما جاش ما زهرش في الآخرة عشان

يدافع عنهم يزهر تاه في الطريق وهو جاي - [00:24:07](#)

ما جاش ينقزهم من ربنا ليه وضل عنهم ما كانوا يفترون. ده انفسهم لوحدهم قصاد ربنا وهم يتحاكموا. امال فين اللي انتم عاملينه؟

فين الطواغيت اللي انتم عبدتوها مش هيزهروا - [00:24:21](#)

يا يا يدافعوا عنهم اقرا الآية اتنين وعشرين معي. لا جرم انهم في الآخرة هم الاخسرون. لا جرم يعني لا محالة اكيد بالتأكيد. هم دول

في الآخرة الاخسر يعني اكثر الناس خسارة - [00:24:31](#)

نعوذ بالله من الخسران ده برضه اسمه تدبر قلبي انك لما تقرا حاجة زي كده تبدأ تقلبها دعاء. ويلايك في الآخر هم الاخسرون. اللهم

لا تجعلنا منهم. نعوذ بالله من من الخسران. ده اسمه تدبر ايه؟ القلب - [00:24:48](#)

وجزاكم الله خيرا واسأل الله ان يجعل هذا التدبر في ميزان حسناتنا. اللهم انك تعلم ان هذه القلوب قد اجتمعت على كتابك وعلى

والتقت يا ربنا على طاعتك وتوحدت على دعوتك وتعاهدت على نصره شريعتك. فوثق اللهم رابطتها وادم مدنها واهدها - 00:25:00  
سبلها واملأها بنورك الذي لا يخبو. واشرح صدورها بفيض الايمان بك وجميل التوكل عليك. واحيها يا ربنا بمعرفتك وقامتها على  
الشهادة في سبيلك انك نعم المولى ونعم النصير. ونشوفكم غدا باذن الله - 00:25:20  
- 00:25:38